

楊文恪公文集

文恪公文集卷四

七言絕句

風雨小齋讀太極圖偶成

小小齋居寓舍東不妨上雨更旁風連朝休沐  
無公事勘破朱張幾異同

題呂紀花鳥

林良嶺外出天成呂紀東吳又擅名不學伊川  
學明道咲將藝事費閑評

書齋舊築傍清溪花柳春光記不迷瓦雀飛來  
書案上翠禽啼向竹門西

卧病江浦白馬寺得小詩三絕

病變幽棲托瑞岩金剛時或一開函竹林他日

東邊薄應咲先生不戒饑右詩因寺僧時以苟供饌藏成

過江誰謂尺空囊堆滿遺經行者房窓下藥爐

那斷火參苓早晚慣聞香右詩偶成用朱子西林寺題壁韻

在學徒所寓居也

空別真頑且莫云求之未發已爭分不愁坐得

蒲團破忝向前儒已有聞夜坐偶憶陳白沙詩有吾儂自中在

誰會求之未發前之句因成數語以示坐閑禪和

太學郭生持畫菜求題為賦二絕

芥藻多年曾泮水  
蘊塩此日又南雍  
從今出仕  
休忘了要有汪家凜々風

直求山谷當知說  
橫看公儀拔去心  
到此丹青亦糟粕  
老夫何用更狂吟

邊景昭畫為滁州梁學正題

大庾峰前見此花  
寒梢靈鷲並橙々  
春風不是分南比  
次第開來正未涯

天與鉛華巧著顏  
羽毛還集兩枝間  
野花啼鳥何人句  
莫看環滁作華山

夏日即事

庭前新竹正瀟疎，間以紅葵三兩株。此是公齋  
真罨畫，丹青不用更來圖。

畫鴈飛鳴宿食為內弟劉秩賦

南飛愛傍水涯居，計里應來萬里途。漠北如今  
皆奉職，定知無有上林書。

滄江秋淨白沙明，地迥全無繒繳驚。此去雲霄  
休惜口，幾多側耳聽陰晴。

蘆荻叢中睡亦醒，西風浙瀝聽飄零。羽毛防患  
能如此，况是人為萬物靈。

秋風共占白蘋洲，飲啄和鳴得自由。鸞語時人

莫相訝此生不為稻糧謀

題大壽字慶能東升乃翁六十

慶侍紅雲玉帝前帝携仙筆大如椽分明判與  
熊君壽住老人間八百年

與徐文欽論朱子注參同契

後至箕箒又幾時金丹豈是欲真爲從今識取  
先生意須讀當年感興詩

蘇子瞻

韓柳歐文許抗衡立朝大節更崢嶸荆公固是  
爭新法却與伊川爲甚爭

王介甫

行檢文章一世難平生差是讀周官後來不得  
朱夫子幾目斯人作大奸

畫菊與鄒汝愚同賦

獨幹多花分外奇秋光鍾美蓋於斯西風欲向  
東籬急我欲傍扶竹一枝

好事持醪莫謾過拾英擬和獨醒歌傍人祇愛  
寒香遠知受風霜是幾多

范蠡

嗚喙君王不保終知幾歸去五湖東千金致

何為者爭似留侯伴赤松

李太白

賦就疑仙更可疑賦中誇喜好文詞  
軻書直接中庸派不及顏公一片碑

四皓

響望平時在養來試看諸老亦奇哉  
溺冠高帝何如傲一語分明山亦回

秦漢真儒已絕踪暮遊朝扣是何風  
兩生齊魯難徵外也數商顏四老翁

相地村前劉屯諸處小憇寶積寺偶成用



朱子西林院題壁韻

僻靜禪關一徑深  
此來元不爲登臨  
景純已遠無從問  
空有文公窈歷心  
塵途誰是入山深  
歲月偏驚滾滾臨  
莫倚空言專闕佛  
不知荒盡一生心

題蘭三絕

天賦幽香寡與儔  
吐華元不問春秋  
貧儒雖少閒田地  
數畹應須爲汝謀

花品鼓中獨擅名  
相看曲盤幾回凭  
如今我愛猗蘭操  
欲寫水絃鼓一行

一翼同心註在前  
騷經紉佩更重箋  
入粗入細  
朱夫子也上相  
繫競渡船

酷熱和儲靜夫韻  
正德戊辰年

松亭赤日正中央  
小吏敲冰追蔗漿  
衣汗不乾那住  
扇人間又說此間涼

火運今當戊癸年  
火龍真恣祝融鞭  
乾坤誰不愁炎熱  
除是飡風飲露蟬

題上林春曉圖五首

水鳥山禽作隊隨  
相關樂意不難知  
形容活潑天攬處  
却是鳶飛早麓詩

淺深紅紫雜然陳  
恠底乾坤釀得春  
識取東風真面目  
晦翁之後是何人

芳馥石畔競芬敷  
幽鳥春深自在呼  
桃李佳聲皆太極  
眼中周子有新圖

傍花隨柳樂誰知  
早愛純公七字詩  
未有工夫供靜坐  
前洲依舊隔天涯

春事如今正未闌  
野花啼鳥焚陳搏  
閒中一部先天易  
可是山中好煉丹

常山公署題松竹梅畫墻次韻

操持何者解相同  
君與兄兼十八公  
寒澁陽和

俱不啻處常處變每從容

邵武高上舍景昭卒業南雍注選天曹例  
得需許以還其鄉景昭以予姪敷教諭所  
貢士遂來相顧者數數茲又來告別因贈  
一絕且致意其鄉先生畏菴都憲云

宋室賢才昭武盛就中伯紀更無倫暫歸正好  
譚經濟林下如今復有人

爲余上舍題三冊

底事朝來拄笏頻也宜秋看也宜春請君既飽  
其中趣贈與東華戀土人

右怡峯

鶻啼到處不堪聽  
荒塚年年草自青  
却怪后山真過慮  
費多言語記思亭

右檻泉亭

當日才名鄭廣文  
青衿無限仰師門  
一墩介甫何須論  
要向人間據兩墩

右雙墩

題清源保障詩卷爲知州馬綸作  
今古幾番談保障  
晉陽之後又江淮  
迂踈滿有唐虞望  
干戚還看舞兩階

題小畫爲前人作

激灩溪塘橫板橋  
不設路無通尋常  
尚論人來徃深閉柴門  
白日中

許壽官壽詩子侍御洪者求時年已八十九矣

種樹山中十尺圍  
看人世上九分非  
壽鄉風景公然別  
薦繡分明當綵衣

祇憑修德作根基  
何必長生訣要知  
遐筭問公今幾許  
駸駸將已到期頰

賀御史所後父母雙輓

百年家世說慈溪  
馳志伊吾氣吐霓  
試問法官身後贈  
何如墓道表征西  
柔順超然女婦中  
閨門那有將門風  
莫言八里韉猶遠  
鳳嶺終同馬鬣封

晚節圖賦贈田宗伯

且看寒花晚節香果然歷盡幾風霜古今人豈  
無相及端合堂名畫錦堂

且看寒花晚節香直須天地肅清霜文章未必  
無歐九好記新聞後圃堂

張母挽卷爲天衢少叅賦

人生性善習而偏後母從來鮮得賢試向張家  
慈氏看絕無薰染性諸天

堂北萱花謝幾時哭之猶哭所生悲要知固是  
兒能孝愈見當初後母慈

書廬墓卷一

聖賢有過求無過觀過知仁是一端若何忝  
雞臙看始知廬墓亦爲難

挽贈御史張君夫婦

子同年都憲廣漢

科貢由來屬正塗循良原自出吾儒要知治縣  
先前譜此是傳家遠大面

賢德須求女傳中間儀偏怪眼前空豈惟舉案  
無忘敬更說和丸最有功

諸葛孔明李令伯盡

神陣非徒識者難文章可是易追攀東坡眼力



分明別謂在商書訓命間

祖母年高髮似銀平生情事表中陳試看典午  
名臣傳絕裾可堪溫太真

抑之察院有憲司之擢情不能別作者尾  
吟五絕以送之

執法星高映斗魁筆端朱墨走風雷南都西廣  
遙相望豸綉依然內外臺

豸綉依然內外臺要令五管識清才殺機豈但  
施狙獍惠愛終當被草萊

惠愛終當被草萊滿腔春意挽教回廣入若問

君家世文節忠襄信壯哉

文節忠襄信壯哉故家喬木更深培莫言邊徼  
淹豪傑徵召還者不日來

徵召還者不日來如今吾已覺衰頹角巾歸後  
能相憶短簡長牋莫吝裁

題丹陽察院壁間畫次王陽明韻

曉發鉦笳逐路迎夜臨灯火照江明勞人勞已  
成何用爭似山翁自在行

竹村爲談命章文作

昔入於竹報平安繞屋如今六月寒願以平安

報人世天根月窟用心看

不溪不野不山翁萬箇筭當一徑通愛此虛中  
緣底事平生因慕李虛中

書風鑑洪生卷

久辨歸裝未得行欲將此意問洪生神僊固是  
吾無分勇退如何做不成

觀朱子年譜有感

虜中猶解敬文公胡絳沈繼祖偏將偽學攻試  
問金元何獨盛中原人物愧夷戎

題畫爲吳德厚作

是邊家畫是林家古句形容亦自佳樂意相關  
禽對語生香不斷樹交花  
老樹槎牙傲歲寒兩雙幽鳥托杖安問渠因甚  
能如此莫有純公爲折竿

題恩恃卷

東海還應有淺時北堂無復覩容儀不忘孟母  
當年教養氣知言合勉之

東海還應有淺時北堂無復奉親慈不忘上谷  
夫人訓明道伊川是我師

五言律詩

○ 哭鄒汝愚

海舶傳消息，傷心遂不還。死同鄒別駕。

鄒志完與鄒州

別駕窮過蔡西山，絕識何由得。英風竟莫攀，惟餘前日踞傳寫，徧人間。

哭汪德卿侍御二首

察院奚宜死，天胡不可謀。風情真脫洒，器局更宏深。遺愛松民說，孤忠國論欽。病時猶欲諫，疏草在衣襟。

言責人難盡，如公不負慙。近君非厭北，恃母力求南。正氣鍾江漢，英姿想笑談。墓銘誰爲作，有

筆却總堪

○ 折桂寺

境豈浮屠勝東南秀此峯澗流千丈瀑崖長萬  
年松少室留蒼鹿番君現小龍番湖小龍俗傳  
宋肘最多灵异  
布鞋從此製雲嶠寄遐蹤

五老峯

混沌曾經鑿岩峴個個高長林幽鳥集峭壁亂  
猿號書院聯衡嶽風泉撼海濤周朱登絕頂天  
下一秋毫

游恩光壑爲吳侍御賦

顧復原無極 恩波詎有涯  
錄黃焚舊塚 塗粉改新牌  
好事閭閻羨 榮名仇儷偕  
贈地方未已 重疊看將來

李壽官挽詩

近歲洲之老鄉評亦在公  
年齡應仕服橘柚等侯封  
抱膝江天外 忘懷酒盞中  
遺書尚無恙 壁水有人攻

送羅上舍歸茶陵

水落洞庭小 歸帆向楚行  
龍頭身外事 駟尾客邊情  
已卒橋門業 新登選部名  
中丞如有問 經

濟負平生

朱母挽詞

孫太守 為文銘

壽會孫賢儲史侍釐夫

閩內教嚴甚朱門母不蓋遐齡將至百世宦已  
看孫家賴中興力名同烈女論奚為知行實吾  
自信銘文

送通判劉弘仁休致

我來君復去有如鳴燕然飲啄亦前定行藏固  
由天松江豈無鱸杜曲更有田請評塵中人敢  
謂歸者賢

乾寧世引恩榮錄



閱閱 當朝盛源流上世賢 耕房麟趾衍元

舅座貂聯封遠徵書券 恩頻錫土田史官褒

外戚千載耀遺編

次韻張汝霖和潘黃門齋居二首

禪室由來靜幽偏更此亭天齋開數日夜坐或  
觀星對越惟精白功名要汗青昔年叨鎖闥從  
未此居停

右慶壽寺齋居

明衣新樣製歲甲戌分獻太歲預製禪衣禦寒乙端

默坐斯亭議禮嚴 郊社分壇首日星日月星辰

壇在天壇之外二十一裸將牌纍白京官陪祭執事  
壇又在四壇之外既有常帶牙牌  
又有陪祀卷 蹕幕連青中官多以青毡  
供事牙牌為帳房舊有青布  
得宿夜久千官轉變與待曉停  
觀內

右神樂觀齋居

唐氏封贈卷光祿少卿榮之父母

慶門多積累 恩典自連綿兩獲 褒貶日並  
當 覃霈年風雲生白晝雨露到重泉盛事知  
無已賢郎正著鞭

挽同年胡兵書良弼

同榜多英俊人才羨朔方功名心膽壯緩急智

歐陽文忠公文集卷四十一

謀長騎射童年習邊防獨力當春秋嗟未永躋陟已巖廊

王太守夫婦挽詞

二子子言廉憲子謨給事

靜庵辭世久聲望尚于今簪筆風霜凜分符雨露深端疑何器局磊落此胸襟剩有弓裘業應歡地下心

聞範如斯者求之近亦無頓繁知祀重織紵待家須繼武仍多子延齡已過夫我非劉向筆列傳孰張鋪

即事

冬孟過中氣愆陽尚布敷雨多天似泣陰久日  
如無月令書難廢箕疇理自符艱難何道濟未  
解武生愚

吊許天錫

字啓忠莆田人

巨奸欺日月朝野盡危疑惡貫已盈滿威權漸  
下移欲言難進疏死諫紙憑尸千載壺公塚應  
令烈士悲

吊周鑰

字希準父成古學古道海陽人

學蚤窺伊洛居官在禁垣欲遵賢聖轍必踐父  
師言死直鳴毛等道應終古存從來英烈士令

席共堂論

楊太尹毅庵挽詞 都察院經歷垠之父

月桂雖高遠文章自作梯宦游梅嶺外族葬稷  
山西兒子科能繼聞門德與齊至今風雨夜物  
論尚悲悽

玉山察院和壁間韻

舍檝還趨陸停輿也駐陰重臺上栢畫黠壁  
間松雨後蛙爭聚春深花鬪穠啖襟南北地萬  
里盡堯封

除夕東湖錄唐子西詩見示同和其韻

光陰真轉較此夜歲云徂潦倒仍縻祿羈棲自  
作孤漏長頻剪燭寒甚懶圍爐靜想歸田語何  
爲竟不符

廖司馬配贈夫人李氏挽詞

六表去何速臨危節亦竒宜收列女傳無愧小  
星詩偃蹇家求配焜煌 國贈馳儒林動哀些  
不恨少人知

讀淵明集

平澹詩情遠淵明透此關老莊爲論定羲昊望  
溥還束帶應難強藍輿未易攀義熙并甲子誰

泥有無間

和王行人散步山房之作

誰解歐公句  
禪房花木深  
麋為我友  
松澗是誰琴  
聖教還先性  
空門欲了心  
爐薰茗椀罷  
端默靜靈襟

楊文恪公文集卷四

揚文恪公文集卷五

七言律詩

飲竹間

鳥語蟬聲一例慳，林泉如此信幽閑。  
坐便帷幄千竿竹，笑指屏風四面山。  
頓覺盡將塵慮洗，不妨醉踏月明還。  
他時更擬重相訪，分付深雲守舊關。

書荻港驛

客懷只合醉騰騰，荻港來沽酒十升。  
貧方為垣編白蒂，小墟鬻貨掛青藤。  
乾坤好似闔人傳身。



世渾如行脚僧，喜有郵夫供筆墨。且將履歷記  
吾魯。

道傍廢宅

破屋三間古道西，蓬蒿門外與腰齊。鼠留舊穴  
妖蛇入雞，別空埒野雉啼。庭草有飛，魯接燒土  
墻無覆半頽泥。感傷豈獨王承福，馬上行人亦  
慘悽。

邵子

隱服從教製得逢，小車行處洛人知。空中樓閣  
見應徹，心上經綸試必奇。元會推排觀物理，春

秋游行越天時曾聞月夜深山坐靜極秋意入  
細思

竹枕

剖篁編枕荷朋分携向南牕卧火雲節上帶來  
風露氣牀頭愛看水波紋廣藤帳軟非能耐布  
被還清合與群西華睡臣唯片石可人爭似渭  
川君

和葉時勉論神仙修養吟

年壽端由稟賦初神仙果解獨增乎丹爐燒煉  
名雖有白日飛昇理斷無窮慾定心誠至論滄

風吸露豈吾徒伯陽也自歸黃土竟與參同語  
不符

再登金華山用舊韻

始豐在邑東一里  
福地之一

始豐福地憑誰記此處分明也洞天虎豹自宜  
山遠迹神仙難道我無緣高擱星斗雲中坐淨  
掃莓苔石上眠亦有道人供茗椀再來應得重  
留連

新正試筆

人家茶壘總紛然世事驚看逝水前海上海桃  
方幾日山中採藥已三年幽懷小試風花筆

老平分木石，權獨坐寒齋。思轉極，欲將何術補青天。

解近張克修時聞李天瑞鄒汝愚貶官

臥病湖頭少送迎，春風一咲故交情。幾年逐客無消息，此日斯文喜合并。往事不妨於我論，新聞更使人驚尊前。只用沉上醉分付蒼奴酒，盡傾。

聞鄒汝愚言事

燕臺消息近全無，忽見封章出汝愚。此日讀來驚馬吐舌，當時投進分捐軀。洛陽自古稱年少，西

蜀于今有丈夫愧我恰如君  
疏語江湖泛上水

中是

鄒疏中  
有此語

山居靜樂爲范君賦四首

厭住城中住范塘應憐水色與山光  
欲耕不似人無地習靜須知自有方  
慣看庭前兒撲棗勤呼墻下僕栽桑  
數聲啼鳥林花落坐愛居閑歲月長

厭住城中住范塘箇中真是好  
風光青山綠水遊名國白飯紅醪  
稔歲方勤破空華踈綬是尋來  
至樂在耕桑田翁溪叟閑相過  
不覺從容話

語長

厭住城中住范塘  
雜歌牧笛送年光  
野人初獻蒸梨法  
社會新傳作酒方  
渭水自存千畝竹  
成都不下百株桑  
如何白首渾忘世  
自是山林引興長

厭住城中住范塘  
相逢休要說觀光  
山圍圖畫開千疊  
人似神仙在一方  
未論他年誰綠野  
可當今日我柴桑  
南華經上犧牛喻  
歎服莊生計策長

贈鐵柱觀道官

俗慮塵緣了不于鎖蛟宮裏領黃冠海中方丈  
真堪住天上神仙亦做官九轉丹砂爐火煖五  
更鍾磬羽衣寒幾回鐵笛吹明月獨倚樓居十  
二闌

別汝愚赴貶

不朽無過德與功榮華等是一場空世途看盡  
真堪哭吾道如斯不厭窮三島十洲遺澈從蠻  
烟瘴雨任飄蓬此行飽喫雷州飯宇宙元陽尚  
看公

送陳惠秀才

叔未艾離稅未回遺經猶自究秦灰抗顏何帶  
居先覺同類有成誤遠來科舉外應還有學後  
生中可限無才歸求努力崇明德歲月堂上似  
箭催

雞鳴寺餞別曾復初

粉蝶週遭護此山白雲簷際自來還  
細流解記  
多年事客子渾偷半日閑  
恠看松根生石底清  
憐蒲草置窓間因思舊隱祇回久  
安得柴門獨  
反關

洪武初元始闢山有人飛鋤幾時還  
偶尋石路



公然滑暫到山房果是閑茶灶沸餅箴竹裏飯  
堂敲磬隔雲間我來兀坐如禪伯欲屏紛上了  
不關

登雨花臺

偶來登眺試今遭古寺荒臺據嶺高當代丕基  
雄雉堞六朝遺跡半蓬蒿吾曹尚負為山志禪  
伯初逢面壁家花柳程家春自醉隔離無用更  
香醪

游靈谷寺飲流杯池上

縈迴徑路釋林陰灑迤坡陀帶遠岑勝境偶同

僕友到好山安得畫師臨  
下逢老衲渾如舊  
小試青鞋得自今  
刻石記遊吾未暇  
昔人徃徃亦留心

流杯池上坐松陰  
咲語風吹落碧岑  
好是日間殊汨沒  
却逢春盡始登臨  
惟應魯水携童冠  
何必蘭亭嘅古今  
試向北山猿鶴問  
想能粗識近來心

題李少叅青鳥圖

遠鷺已逝趙昌仙  
此筆人間尚有傳  
翠袖朱唇風露濕  
綠衿紺趾羽毛鮮  
信來海上東方誕  
春

滿天街邵子專何處紫薇花下坐烏啼聲裏日  
如年

送熊主簿

主簿誰云例冗煩昔賢往事尚堪論監司不礙  
猶譚易高士何妨亦署軒村警關防兼尉職縣  
僚裁減當丞尊過家路入潮陽便喜信先君已  
到門

金山寺重游

迢迢川陸客程脩暫解征帆且少休此地合應  
吾輩語前時端有好人游朝宗江漢心同遠形

勢東南目已周屈指重來今十載西風一笑  
蒞  
花秋

奉和家君借鄉大夫游梅山韻

紫紆石路上山長誰塑梅公坐一堂試誦封章  
猶凜凜欲尋舊迹已茫茫泉阿倒執權堪惜金  
鉄俱飛事豈常遠在南昌猶激烈英風留得遍  
題荒

漢祚休論短與長且瞻遺像自堂堂青編有耀  
存忠鯁丹客何知話渺茫一尉下僚扶社稷幾  
人當日愧冠裳後來藉口拘言職遂使先生此

意荒

行樂須從靜處尋  
幅巾何碍入山深  
鶴群堪作閑人伴  
鷗鳥能知謝事心  
藉草傾壺無晉俗  
題詩書壁有唐音  
香山未用看圖畫  
表率高風重士林

丹竈無憑未暇尋  
迢迢石逕夾松深  
謫謏張禹當年舌  
忠憤梅公千載心  
世外烟霞游客履  
雲中仙樂羽人音  
隔江彩鷁相遲久  
歸去斜暉已

樹林

憶先妣太宜人

憶別慈帏白髮垂歸來那復覩容儀乾坤此恨  
惟誰抱鞠育深恩祇自知祿養不沾空作母綬  
衾未視在生兒顯揚一事無憑據孤負三遷當  
日期

壽洪中書乃尊長史公七十公號應物  
此服年來得返初滄源歸去有先廬魯辭穆氏  
知幾酒愛讀純公定性書池上鳳毛看漸起山  
中鶴髮任教疎也知晚歲渾無事水月溪風興  
有餘

分題得青精飯壽羅君宗弼七十

進士 鳳

家常一味飯青精絕勝豪華苦茹董世上胡麻  
難比並山中石髓浪傳聞顏容杜甫吟應好服  
食陶公法備云脫蹤相從吾未得崆峒何處問  
鄒訢

贈高上舍還貴溪

石砧落帽襟見吐辭五宜翁合有斯兒家聲轟列  
烏臺日課業辛勤太學時與叔祗從門蔭仕何  
蕃暫起故鄉思尊公天下奇男子莫負迂踈別  
後期

贈劉大尹之任濬縣

翰弟俱解

郊祁科第名西蜀出宰閭閻所賴安風憲定鷹  
三載召循良何止百年看橫渠夫子臨民古明  
道先生蒞政寬作縣二賢師表在知君遠到不  
辭難

文山祠用杜詩武侯祠韻

石船風潮未易尋元人劍戟已森森六飛到海  
無行在二帝賓天有訃音中外勤王孤此詔古  
今賣國是何心分明執燭當年意再拜臨刑獨  
正襟

荒祠老屋僅踰尋青史譚公髮欲森敵國可能



令北面孤臣終不變南音百年又值遼金運千  
載誰無巡遠心平日讀書今日用凜然遺贄在  
衣襟

題趙守建橋卷

作官何政使民廉緩急須還用較量今有可爲  
惟守令古仍不廢是橋梁伯淳見木心猶在子  
產捐車話亦長莫把軻書成誤讀要從一念到  
循良

贈司務顧君之任南京禮部

猶送旌旄出帝城辟雍同是舊諸生兩京未覺

南金別六部還推禮更清白下雲間鄉郡近

樓綠水畫圖明何時得遂相從去柳樹灣同聽

早鶯

魏菴吳先生謂仕宦居南  
京居柳樹灣最爲清絕故云

戴都閩令嗣至京受室歸贈以詩

將門有子屬鞬橐頰爲尊公殿節旄天仗森

嚴瞻鳳闕洞房窈窕續鶯膠燕臺把酒秋將暮

贛上收帆歲又交閑羽岳飛多好學青燈猶說

借書抄

贈王進士璽假令海鹽

牛刀何處却煩公洗耳絃歌見古風莫逞催科

嘉郡最要看圖圖海鹽空作官志操窮居定宰  
色經綸執政同赫赫恐非循吏事西銘深意在  
疲瘡

具慶堂為同年翁應乾賦

京師眷聚似餘姚七葉休論珥漢貂何日晨昏  
曾曠禮幾家父子並登朝風雲天上瞻偏近甲  
癸人間數尚遙會何他年尋故事御屏隔坐到  
元寮

新寧伯譚公脩祖墓有感卷

前人靖難死禰禪功勒西湖十丈碑當日已嚴

燕採禁近時新葺拜瞻祠  
貂珥奕世忠能奮鶴  
鶴呈祥孝可知猶說元戎礪  
兵甲欲吞胡虜向  
邊陲

慶胡彥鼎七十內弟劉和求和考鼎之壻  
也

螺杯漱灑醉山亭南極祥光照復醒塗抹懶隨  
新進士隱淪猶是老明經桂培蟾窟留孫子菊  
飲寒潭益壽齡回首塵埃誰執掌筆床湖上自  
揚舲

送太平僧定澈歸山

化城僧定澈携其徒來京請度牒并乞  
復其寺之舊名因見予於邸第且言寺  
有李太白郭功甫題咏蓋將借重於兩  
公焉將還乞詩聊爲賦此

錫杖纔來北斗邊袈裟又上鑑湖船  
南宮度牒新開例西域旃檀舊結緣  
祇可法華論茂蕝藥將佛說病伊川  
吾言木足爲軒輊珍重當年李  
郭篇

郊祀畢迎駕丁巳歲

帝享南郊秉至誠今年春孟卜中旬  
備陳鹵簿

來黃道却立簪袍候  
紫宸 聖德日馨非黍稷  
稷天心夜格爛星辰  
一時盛事于今覩  
瑣抽毫紀近臣

慶成燕和吳懋貞韻

蒼壁先朝禮百神  
赭袍今日讌臣鄰  
盛分折俎園丘昨屢賜  
深杯內法春虞室  
賡歌同浹洽周家  
王業起辛勤由來  
致泰須君子試數  
夔龍在要津

遊白鹿洞書院次朱子韻

思游白鹿已多年  
始得眠雲與聽泉  
足日尚多

遺勝際圖經猶得攷新編  
朱翁像古千秋在書院  
名香四海傳此地分明宜靜學  
紅塵何事慕騰騫

白鹿書院留別野亭

鄱湖浪擻爲誰停  
鹿洞先生飽六經  
夜卧喜聯泉上榻  
午吟便坐竹邊亭  
升沈瑣細同春夢  
議論源流見過庭  
水石清幽莫相負  
好將陶冶答山靈

游開先寺劉太守同行

昨日遺踪訪紫陽  
今朝名寺寄羶羊  
松依石路

晴備蔭泉引齋厨飯亦香世味豈如雲卧好僧  
家端爲客來忙龍池瀑布青壁高千丈欲記初  
游到上方

贈秦司徒致仕

家聲齊魯說清門京兆司徒好弟兄老性自知  
薑桂在歸情偏喜菊松存榮辭八座欽高致俸  
給懸車出特恩林下將何酌聖主祇憑忠  
義教兒孫

題王地官成浮橋卷

舳舻聯比巨東西忽見中流泛一隄鐵鎖橫波



時啓閉彩虹隨浪自高低量江更有心能巧濟  
世行看孰與齊鷓鴣鳥盡多驚水怪兩涯不用鎮  
橋犀

封司副秦公壽詩

子文司副  
禮知縣

清風無事北牕眠謝絕塵囂得靜便春酒駐顏  
稱壽日烏紗籠髮受封年門饒丹桂燕山族厨  
有胡麻葛洞仙從此遐齡能閱世問安堂上領  
曾玄

封主事李公七十壽詩

子綱  
中

封君此日古稀年保養儒家別有傳株藥入山

唯柳泌定心節慾學伊川清風自謂羲皇上長  
者人稱西漢前我忝登科同令子親庭俱壽共  
欣然

養和堂爲華氏賦

湖上扁舟未易尋了無塵土到衣襟經綸邵子  
微醺酒嚙吸文公數息箴物外烟霞供此老人  
閒珪組是何心一家位育工夫大須得中庸玩  
味深

題同年蔡從善西樓話別卷

鳳沼詩筒日未虛刑曹淑問亦劬書或南或北

原無闕一集一官宜有餘闕角直廬清夢遠鍾  
山邸舍宦情舒年來仕路相知少願聽源淵慰  
懶踈

送戴司寇祭掃歸浮梁

孝子慈孫重本源卅年無夢不江藩京師立廟

非今制唐大臣皆立廟京師立廟亦然司寇焚黃亦近恩

近年六卿無祭掃漢外斗杓瞻幹運手中霹靂

待平反九重况有丁寧語司馬難淹獨樂園

愚隱爲劉封君賦即中

歲月堂上白髮新回頭得失未爲真東塗西林

少年事剷采埋光晚景人溪上取名非慕柳山  
中愛睡或疑陳官封畢竟難辭避未許先生作  
外臣

慕親樓

太學生何純嘗欲作樓奉親而不逮樓  
成扁以慕親亦風木之意云

往事如駒過隙然蒼天安肯為兒憐可堪捐館  
思前日獨恨成樓後十年眼底人非驚物是世  
間滄海變桑田贈君一語終身慕蚤夜孳孳法  
聖賢

重闡永感為劉文敷主事賦

墮地何曾識好儀  
垂髫太母又長辭  
零丁跡甚陳情表  
瞻望哀深陟岵詩  
返哺未耐烏鳥願  
啼鳧惟許杜鵑知  
顯親有道宣尼訓  
奉以周旋永孝思

送青谿倪先生赴吏書之召

廟堂魁偉衆非同  
喪職平時仰靖共  
八座簪纓仍接武  
三朝衮繡又從龍  
文章韓愈元和後  
人物山濤啓事中  
不負金甌前日選  
管教青史看孤忠

贈戴司寇赴都憲之召

據外從來務內脩九卿易徧豈無由  
朝廷自要諸公在宵旰當分  
聖主憂風紀百年端合  
振人才今日更須求先生重望闕天下定有訐  
謨爲國謀

送梁司空致仕

懇切求閑出至情  
九重天語最分明  
人看鄉相山中去我謂神仙  
地上行齒髮未衰方是樂  
烟霞無恙待辭榮  
兩都人物多公論  
瑩徹冰壺話一生

挽莊定山用見主系韻

東頭曩日侍 先皇猶記鰲山第一章  
獨酌久應收燮理 素絲新豈戀羔羊  
不妨野寺參南老 肯使終身作務光  
草閣天峰人已去 依然籬菊白寒香

定山書帙潤晴嵐 靜結跏趺坐一龕  
薦豪幾封還糞土 釣叢三尺自江南  
風花雪月權猶在 陋巷簞瓢分所甘  
誰謂迴山貧復出 暮年白髮已參參

贈劉因吾舉人

因吾名教予鄉同年時讓之令器也歲  
國予以慶

賀之 京師因吾亦會試赴南省聯舟同  
行早晚相聚得其言論為之大驚將別贈  
之以詩

同住西江亦謾云豈宜如子未之聞英年好續

希顏

錄南軒發年  
著此錄

老境空慚責沈文此學寥寥

真一綫倫魁擾擾只浮雲就中風聚斂難得此  
是家庭的派分

送楊大理赴召



匡時近地易成功南北何妨棘寺同讞獄難云  
惟定國登仙且喜又班公四明家世稱天下八  
座聲華溢耳中少宰分携連棣萼夢想多書札過  
江東

送蕭司空致仕

刑官馭歷凜於秋轉大司空便乞休七袞雖臨  
還尚健六鄉已到復何求狂歌白傅無條例勇  
退楊侯有釣遊更說江鄉多謝事如公恩典最  
為優

送宮保徐公致仕

君恩似海深堂開綠野對槐陰先生問  
一新橫玉惠普交親舊賜金鶴侶天邊長作別  
國盟溪上復相尋大臣畎畹難忘國會見他年  
有諫林

封御史牟公挽詞

同牟道  
之父

世紛無盡飽能諳綬冕原非性所耽鄉行當年  
推蜀郡訃音昨夜到湖南生前鶴髮三千丈身  
後龍章四五函誰似賢郎居栢府一時風采有  
人談

贈同僚張卿轉工侍

北去班聯在上坡朝朝承 旨聽鳴珂又居光  
祿陞非偶乍忝同寅教亦多千里曹裝趨 帝  
召十年禪寢衛天和民財更屬司空切莫忘蒼  
生待撫摩

一舫齋為王寵舉人父賦

一舫者新安王君齋居之名而因以為  
號者也其子進士天錫嘗以君所為一  
舫詩示予諷誦之餘為之賦此進士才  
儻氣清洞徹時務將有為於世者王氏  
之舟豈久橫耶橫舟君詩中語因及其

說云

何處山居當水游個中天地是虛舟詩篇直欲  
尋唐派時俗端倪挽末流適意宴嬉還六一忘  
心褊急也莊周濟川事業尚書在付與佳兒靜  
裡求

寒溪樂壽為歛庠生呂佐父題

隱君節操老彌堅收拾寒溪萬頃烟塵柄譚高  
風入座霍汀夢醒月侵船閑中野史春秋筆社  
裡班行耆艾年桂籍自閑兒子事菊左有酒且  
籬邊

送陳都憲本仁巡撫延綏

聖代規模萬世雄，備邊唐宋豈能同。  
因河踐華遷都計，掃穴犁庭立國功。  
虎旅誰言今獨少，狼烟吾怪近猶紅。  
延綏此去煩經畧，會見天山早掛弓。

慶謝隱君九十傳其人得服食法

行無鳩杖步猶勝，誰信高年九十登。  
老伴凋零偏覺少，世情飽歷極知曾。  
君期回道仙應得，我慕鄒昕學未能。  
猶子南都宗伯重，緘書喜有鴈堪憑。

質書樓為劉讓舉人賦

萬軸牙籤此處藏青藜光照卯金鄉耳孫信以  
書為寶鼻祖曾將墨作莊塵玉鉢軒今志趣孰  
仁畊道昔文章朱子墨汗牛充棟非無力再起

廬山李氏房

宋李公擇藏書廬山以遺來者  
君家富甲鄉邵茲舉蓋無難焉

江浦公館借壁間馬侍御韻書事

巽二憑陵隔此江山窗不寐聽寒淙東南轉覺  
民多困西北猶聞虜未降來往濫乘青雀舫嘆  
譚誰擁碧油幢老生半世空憂國安得玄雲駐  
鬢雙

和林都憲待用臺梅韻

可便孤山作主人，問間多少望生春。  
西臺未放巡簷數，東閣猶堪得句頻。  
紙帳獨憐先入夢，天涯都是後歸身。  
吾儒也說須經濟，願與商山品更  
卜隣。

劉宮保壽詩

冰檠操持晚益堅，當時屢疏乞歸田。  
穹官已逼台衡席，遐筭從登耄耋年。  
青史功名千載定，白頭進退幾人全。  
延平合有香山會，首盡衣冠水石邊。

馬教授挽辭

早年曾聽鹿鳴歌無限英才賴琢磨安定齋中  
條教備河汾門下顯人多三庠綠水哦芹藻九  
里青山葬薜蘿馬氏書香原自盛兒孫連翩起  
賢科

送少宗伯李公赴召

南宮近地簡文儒廷議僉諧 帝曰俞太史公  
曾缺衣任少宗伯是鼎台須鶴行密接尚書履  
魚袋重熏玉陛爐當代百年勞養士昇平全仗  
赤心扶



楊文貞新祠用羅司成韻

慶會君臣豈偶然古今青史不多傳百年宰物  
真何地一代生才本屬天熙德運中稱治極歐  
周相後見公賢郡城有廟題忠節更詫群賢刻  
佩聯

修程九萬起天池正是遭逢全盛時廊廟文  
皇親簡拔江湖元宰舊相知秉鈞事業真無忝  
傳世文章斷不疑屈指逾六紀清風浩氣  
果爲誰

送王司徒往夷獻捷

時貴州夷婦倡亂

鎮守中官殺方伯憲使

陰謀詭計非天討，看取堂堂靖遠邦。將有伏波

徵寇滅

交趾女子一徵作亂馬援討平之才如

諸葛孟夷降，諸葛亮擒孟獲。簡書自畏心懸日

露布親書筆，似枉試問凌烟當代閣。平南功績

許誰雙

齋居喜雪二詩奉和馬宗伯先生韻

清曉羲輪不放紅，天花歷亂散瑤空。詩人歐老  
傳新禁學士，陶家有儉風。玉宇祗愁寒亦甚，銀  
河猶恐路相通。恠來衰颯今年驟，戀著烘爐一

病翁

禁禦寒生襖被輕齋居更比外間清重城日轉  
觚稜影高閣風傳刻漏聲葵藿微忠那効力桑  
榆暖地正關情夜深明月無人到起看庭階瘦  
鶴行

春雪次羅允升司業韻

歲裏冰山尚未銷春來又見雪連朝何人傳道  
深門外到處吟詩說灞橋風拍五更全助冷雨  
兼平旦半妨飄留都頗遂偷閑計免得衝寒似  
早朝

元宵遇雪和鄭司徒韻

鑄京猶記上元中每歲鰲山奉  
兩宮仙樂秣疑雲裡奏爆聲時與  
外廷通雪霏此夜嗟童稚寒透良宵怯老翁嘆我迂踈殺風景青編坐  
對一燈紅

贈揚都憲應寧赴陝西提督馬政

奉常散地數年中經畧新承  
寵命隆偉矣才華膺簡拔赫然名姓播兒童終當韓范深裨國  
可是張毛淺望公駉牝彌山應反掌會看冒頓掃除空

烹茶和趙侍御韻二首

惠山楊子事多虛，深井呼童試汲初。此日菟園看幾鳳，何人封絹託雙魚。睡魔降伏誠爲易，歡伯交游便可踈。莫道今年先穀雨，摘鮮應是至尊餘。

白甌晃漾識先春，最愜空罍靜坐人。好事當年惟鬪早，名鑿近代更論陳。一鎗隨舫堪爲伴，三盞揮毫覺有神。猶惜蔡襄天下士，謬將口腹愛君親。

送封御史劉君還安成

御史祥炳通判祥煥之父

爲纈 褒封可得辭 始終泉石結深知 留  
省停驂日 烏府黃堂問寢時 樂事此行當是歸  
歸期近卜尚嫌遲 安成耆舊應相憶 有待賡吟  
杜稟詩

牧給事時庸母孺人七十壽詩

何人銅狄幾摩挲 且賦南山上壽歌 連理分枝  
雖太早 蟠桃結子不須多 恩隨霞帔先看爛  
喜入春杯略放醅 從此年年蒲艾節 綵衣稱慶  
樂天和

喜雨用唐人韻

我愛天公不作荒傾盆俄頃白茫茫田家有望  
思塗廩村叟何心慮倒牆枕簟夜應無漬汗甌  
汗秋定慰充腸五風十雨真如此便好明農去  
故鄉

葉戶書挽詞

上宰垣星夜掩光老成凋謝最堪傷廷臣素伏  
多諳練末議曾勞力主張嘗有建言秋曆後湖  
黃冊者庶奏止之府

葉公掌司徒事力  
主郵說遂得免

出入四朝名獨舊歸來三徑

興何長生芻一束山陽郡不是無從雪涕滂

別劉因吾省親湖泉用舊贈韻

綠服南遊樂可云鯉庭難道祇常聞聖賢不是  
無階入游夏何常秉筆文長路喜同淮海片寵  
舟還載洞庭雲笥峰聲價湖湘滿憲節如今何  
處分



楊文恪公文集卷五